

元宵节的诗句

1.
香翻桂影烛光薄，红沁榆阶宝靺匀。——赵时春《元宵饮陶总戎家二首》
2.
宣和旧日，临安南渡，芳景犹自如故。——刘辰翁《永遇乐·璧月初晴》
- 3.不是暗尘明月，那时元夜。——蒋捷《女冠子·元夕》
4.
故园今夕是元宵，独向蛮村坐寂寥。赖有遗经堪作伴，喜无车马过相邀。
春还草阁梅先动，月满虚庭雪未消。堂上花灯诸第集，重闱应念一身遥。——王守仁《元夕》
5.
记得去年时节，烂醉红灯白雪。今日又离家，见梅花。无限西州旧事，
独剩江山如是。老却眼中人，奈何春。——吴绮《昭君怨·元宵感事》
6.
元宵三五酒半醺。马蹄前、步步是春。闹市里、看灯去，喜金吾、不禁
夜深。如今老大都休也，未黄昏、先闭上门。待月到、窗儿上，对梅花
、如对故人。——《恋绣衾》
7.
阳乌且缓浴虞渊，瑞白春花胜腊前。台笠看人争播种，扶犁撩我梦归田。
千金何术参医国，十雨从今更问天。斩驻飚游须净供，元宵未暇宝灯
燃。——程公许《祷雪麻仙洞前立春一日湫压县境而雪霰已集连》

8.爱元宵三五风光，月色婵娟，灯火辉煌。——佚名《折桂令·元宵》

9.
旧家元夜，追随风月，连宵欢宴。被那恁、引得滴流地，一似蛾儿转。而今百事心情懒。灯下几曾忺看。算静中、唯有窗间梅影，合是幽人伴。——沈端节《留春令》

10.
金鸭消香，银虬泻水，谁家夜笛飞声。正上林雪霁，鸳鸯晶莹。鱼龙舞罢香车杳，剩尊前、袖掩吴绫。狂游似梦，而今空记，密约烧灯。追念往事难凭。叹火树星桥，回首飘零。但九逵烟月，依旧笼明。楚天一带惊烽火，问今宵、可照江城。小窗残酒，阑珊灯炮，别自关情。——纳兰性德《金菊对芙蓉·上元》

11.
偶然散策无寻访，何限伤心强笑歌。世味正如春酒淡，市灯不及月华多。人生只合且如此，国势遂成无奈何。年少尚装胡旋舞，不知舞破几山河。——艾可翁《元宵》

12.
元宵灯火照楼台，车马骈骈去又来。田郎试向楼上望，灯前好个阿孩孩。——田太靖《上元》

13.
袷服华妆着处逢，六街灯火闹儿童。长衫我亦何为者，也在游人笑语中。——元好问《京都元夕》

14.
倦游京洛风尘，夜来病酒无人问。九衢雪小，千门月淡，元宵灯近。香散眉梢，冻消池面，一番春信。记南楼醉里，西城宴阙，都不管、人春困。屈指流年未几，早人惊、潘郎双鬓。当时体态，如今情绪，多应瘦损。马上墙头，纵教瞥见，也难相认。凭栏干，但有盈盈泪眼，把罗襟搵。——晁端礼《水龙吟》

15.

咫尺元宵剩放灯，翠红多少九衢尘。梅花不解新时样，初破风前一点春。
——钱时《岁二日吴说卿座中初见古梅一花》

16.

风销焰蜡，露浥烘炉，花市光相射。桂华流瓦。纤云散，耿耿素娥欲下。
衣裳淡雅。看楚女、纤腰一把。箫鼓喧，人影参差，满路飘香麝。因念都城放夜。
望千门如昼，嬉笑游冶。钿车罗帕。相逢处，自有暗尘随马。年光是也。唯只见、
旧情衰谢。清漏移，飞盖归来，从舞休歌罢。
——周邦彦《解语花·上元》

17.

三年此夕无月光，明月多应在故乡。欲向海天寻月去，五更飞梦渡鲲洋。
——丘逢甲《元夕无月》

18.

客路那知岁序移，忽惊春到小桃枝。天涯海角悲凉地，记得当年全盛时。
花弄影，月流辉，水晶宫殿五云飞。分明一觉华胥梦，回首东风泪满衣。
——赵鼎《鹧鸪天·建康上元作》

19.

去年正月十五夜，乾元门上奉乘舆。今年正月十五夜，商洛郡中为贰车。
谪宦门栏偏冷落，山城灯火苦萧疏。炉灰画尽不成寐，赖有逍遥一帙书。
——王禹称《上元夜作》

20.

邑少弦歌惟戍鼓，村无烟火只渔灯。吴趋彩艳闽珠灿，一样思归两未能。
——皇甫汈《安平元夕对闽客作》

21.

穷人不谋欢，元夜如常时。晴雨均寂寞，蚤与一睡期。朱门粲灯火，歌舞临酒池。
酒阑欢不足，九街恣游嬉。前呵惊市人，箫鼓逐后随。片云头上黑，翻得失意归。
——戴复古《元宵雨》

22.

**天上转，梵声天上来；灯树千光照，花焰七枝开。月影疑流水，春风含夜梅；燔动黄金地，钟发琉璃台。——杨广《元夕于通衢建灯夜升南楼》

23.

他乡月夜人，相伴看灯轮。光随九华出，影共百枝新。歌钟盛北里，车马沸南邻。今宵何处好？惟有洛城春。——韩仲宣《上元夜效小庾体》

24.

茂苑元宵亦盛哉，千红百紫雪中开。牡丹自是吴门有，莲菡移从都下来。光射琉璃最精彩，吐成蛺蝶贯昭回。归船尚有残灯在，更与儿曹饮一杯。——杨万里《姑苏馆上元前一夕观灯》

25.

今夕天气佳，上天何澄穆。列宿雨后明，流云月边速。空檐垂斗柄，微吹生丛竹。对此不能寐，步绕庭之曲。遥睇浮屠颠，数星红煜煜。悟知烧灯夕，节意亦满目。历代能几诗，遍赋杂珉玉。栖鸦亦未定，更鸣伴余独。百年滔滔内，忧乐两难复。唯应长似今，寂寞送寒燠。——陈与义《元夜》

本文链接：<https://duanjuziku.com/duanjuzi/9hyaj7yfyp.html>